

Ուղեցույց քարի վերամշակման մասնագետների համար՝ Ներշնչվող բյուրեղային սիլիցիումի ներգործության ազդեցությունը



2024 թվականի դեկտեմբերի 19-ին [8-րդ գլխի 5204 բաժնի](#) ներքո Cal/OSHA-ն ընդունեց իր մշտական չափանիշների թարմացումները, որոնք վերաբերվում են ներշնչվող բյուրեղային սիլիցիումին (RCS): Այս թարմացումներն իրականացվեցին կվարցե սեղանադիրների արտադրությամբ զբաղվող աշխատակիցների շրջանում սիլիկոզի տարածման պատճառով: Աշխատողներից շատերը սիլիցիումի փոշին շնչելու արդյունքում 30-40 տարեկանում ձեռք են բերել սիլիկոզ հիվանդությունը:



Նոր չափանիշները թույլ են տալիս Cal/OSHA-ին անհապաղ դադարեցնել տվյալ գործունեությունը, երբ տեսուչները վտանգ են հայտնաբերում, օրինակ՝ չոր կտրում, չոր մաքրում կամ համապատասխան շնչադիմակի բացակայություն:

Վտանգների ամբողջական ցանկին ծանոթանալու համար տես [5204 ենթաբաժին\(ց\)](#):



Նոր չափանիշներում՝

- 5204 բաժինը ներկայացնում է նոր պահանջներ գործատուների համար:
- Պահանջվում են պաշտպանական նոր միջոցներ այն աշխատակիցների համար, ովքեր կատարում են ախտահարման բարձր աստիճանի աշխատանք (կտրում, հղկում, փայլեցում, մաքրում և այլն) արհեստական քարի վրա, որը պարունակում է 0.1% բյուրեղային սիլիցիում, կամ սիլիցիում պարունակող այլ արտադրանքների վրա, այդ թվում՝ բնական քարի վրա, որը պարունակում է 10% բյուրեղային սիլիցիում:

Գործատուները ՊԱՐՏԱՎՈՐ են պահանջել և ստուգել, որ ախտահարման բարձր աստիճանի աշխատանքներ կատարող աշխատակիցները՝

- Գործի են դնում RCS փոշու ազդեցությունը կանխելու համար արդյունավետ [խոնավ մեթոդներ](#)՝ չոր կտրումը և չոր մաքրումն արգելվում են:
- Չեն ենթարկվում օդի մեկ խորանարդ մետրում ($\mu\text{g}/\text{m}^3$) 25 միկրոգրամ RCS ազդեցության մակարդակը (AL) գերազանցող փոշու ազդեցությանը՝ միջինը 8-ժամյա հերթափոխի ընթացքում:
- Կատարում են ախտահարման բարձր աստիճանի աշխատանքներ վերահսկվող տարածքներում, որտեղ նախագծված ցուցանակները գրված են աշխատողներին հասկանալի լեզվով (լեզուներով):
- Օգտագործում են դեմքը հերմետիկ ծածկող, էլեկտրական օդամաքիչ ռեսպիրատոր սարք (PAPR)՝ որոշակի բացառություններով:
- Փոշու օդային տարածումը կանխելու համար արագ կերպով հեռացնում են սիլիցիումի փոշու մնացորդները խոնավ մեթոդների կամ HEPA փոշեհեռացման միջոցով:
- Նրանք ունեն առաջարկվող բժշկական հետազոտություններից օգտվելու հնարավորություն, այդ թվում՝ ճառագայթման ցածր մակարդակի կրծքավանդակի համակարգչային տոմոգրաֆիա և շնչառության թեստ:



Լուսանկարի հեղինակային իրավունքը պատկանում է Օկլահոմայի համալսարանին

Աշխատանքային գործիքի մեջ ներկառուցված ջրամատակարարման համակարգերի հետ համատեղ աշխատանքային մակերեսի վրա մեծ քանակությամբ ջրի կիրառումը նվազեցնում է RCS-ի ռիսկը:

Բոլոր գործատուները պարտավոր են՝

- կրել պատասխանատվություն թաց միջոցների կիրառմամբ RCS-ի ազդեցությունն արդյունավետորեն կանխելու համար:
- իրազեկել աշխատակիցներին սիլիցիումի հետ փոխազդման և սիլիկոզի, ինչպես նաև վտանգի, ախտանիշների և վերահսկման միջոցների վերաբերյալ:
- պարբերաբար իրականացնել օդային մշտադիտարկում RCS-ի գնահատման նպատակով՝ առնվազն 12 ամիսը մեկ անգամ:
- ունենալ և պահպանել փոշու ազդեցության վերահսկման պլան, այդ թվում օդի տարեկան մշտադիտարկման գրառումները:
- սիլիկոզի կամ քաղցկեղի հաստատված դեպքերի մասին 24 ժամվա ընթացքում հայտնել [Կալիֆոռնիայի հանրային առողջապահության բաժանմունք](#) (CDPH) և [Cal/OSHA](#) (QR կոդերը՝ աջ կողմում):
- 5203 բաժնի պահանջների համաձայն՝ Cal/OSHA-ին հայտնել պետականորեն գրանցված քաղցկեղածին սիլիցիումի օգտագործման մասին:



CDPH



Cal/OSHA



Ախտահարման բարձր աստիճան ենթադրող աշխատանք և ներշնչվող բյուրեղային սիլիցիումին առնչվող չափանիշներ

Այս փաստաթղթի նպատակն է տեղեկացնել ձեզ որպես գործատուի, Cal/OSHA-ի 5204 բաժնի պահանջների մասին, որոնք ուղղված են պաշտպանելու այն աշխատակիցներին, որոնք կատարում են արհեստական կամ բնական քարը կտրող, հղկող, փայլեցնող կամ այլ կերպ փոշի առաջացնող աշխատանքներ: 5204 բաժնի պահանջները բավարարելու համար՝ գործատուները պետք է ծանոթանան այդ չափանիշներին ամբողջությամբ: Անհրաժեշտության դեպքում, համապատասխանության ապահովման համար գործատուները կարող են կապվել Cal/OSHA-ի խորհրդատվական ծառայության, աշխատանքի և առողջապահության խորհրդատուի կամ իրենց ապահովագրական կազմակերպության հետ:

Պահանջ	Ի՞նչ է դա	Ինչպե՞ս անել դա	Ինչ հաճախականությամբ	Լրացուցիչ տեղեկություններ
Օդի մշտադիտարկում	Չափեք օդում սիլիցիումի քանակը: Օդում փոշին միջինը 8 ժամվա ընթացքում չի կարող գերազանցել 25 մկգ/մ³ ազդեցության աստիճանը (AL):	Վարձեք մասնավոր խորհրդատու, համագործակցեք ձեր ապահովագրական ընկերության հետ, կամ օգտվեք Cal/OSHA-ի անվճար խորհրդատվական ծառայություններից: Ավելի մանրամասն տեղեկությունների համար սկանավորեք QR կոդը և ծանոթացեք Կալիֆոռնիայի գործատուների համար նախատեսված օդի մշտադիտարկման ուղեցույցին : 	- Կրկնեք այն 3 ամիսը մեկ եթե >50 մկգ/մ³-ից: - Կրկնեք ամեն 6 ամիսը մեկ եթե այն հավասար կամ բարձր է 25-ից, սակայն ցածր է 50 մկգ/մ³-ից: - Կրկնեք ամեն 12 ամիսը մեկ եթե <AL (25 մկգ/մ³):	5204(d)
Կարգավորվող տարածքներ	Հատկացրեք որոշակի առանձնացված տարածք, որտեղ աշխատողները իրականացնում են ախտահարման բարձր աստիճանի աշխատանքներ, կամ գտնվում են ավելի բարձր աստիճանի ախտահարման միջավայրում:	Կարգավորվող տարածքներում պետք է առկա լինեն․ - Ինժեներական հսկողություն և անհատական պաշտպանիչ սարքավորում (PPE) RCS-ի ազդեցությունը կանխելու նպատակով: - Մուտքերի մոտ նախազգուշացնող նշաններ աշխատակիցներին հասկանալի լեզվով (լեզուներով): - Սահմանափակ մուտք:	Մշտապես:	5204(e) 5204(l)(3)
Վերահսկեք սիլիցիումի ազդեցությունը և վերապատրաստեք աշխատակիցներին	- Աշխատանքի գործընթացների վերահսկողություն: - Ինժեներական վերահսկողություն: - Աշխատակիցների վերապատրաստում: - Շնչառական համակարգի պաշտպանություն: - Տնտեսվարություն:	- Իրազեկեք աշխատակիցներին սիլիցիումի վտանգի վերաբերյալ: - Փոշին չեզոքացնելու համար մշտապես օգտագործեք խոնավ մեթոդներ. չոր կտրումը և չոր մաքրումն արգելվում են: - Արագ և անվտանգ կերպով մաքրեք սիլիցիումի փոշու մնացորդները: - Օգտագործեք PAPR-եր (էլեկտրական օդամաքրիչ ռեսպիրատոր սարքեր): - Կիրառեք փոշու ախտահարումից պաշտպանության գրավոր վերահսկման պլան:	- Անց կացրեք աշխատակիցների տարեկան վերապատրաստում: - Ստուգեք և համոզվեք, որ ինժեներական կառավարման համակարգերը մշտապես ճիշտ են գործում: - Ապահովեք անհատական պաշտպանիչ միջոցների պատշաճ կիրառումը ախտահարման բարձր աստիճան ունեցող աշխատանքներ կատարելիս: - Ապահովեք փոշու և կեղտի պատշաճ մաքրում:	5204-(f)-(i)
Բժշկական հսկողություն	Բարձր աստիճանի ախտահարման հավանականությամբ աշխատանքներ կատարող աշխատակիցների բժշկական զննումներ և թեստավորում:	- Ցածր հաճախությամբ կրծքավանդակի համակարգչային տոմոգրաֆիա՝ կախված ներգործման աստիճանից - Թոքերի ֆունկցիայի ստուգման թեստ - Տուբերկուլյոզի թեստ	Բժշկական զննումներ և թեստեր աշխատանքի անցնելիս և դրանից հետո առնվազն երեք տարին մեկ:	5204(j)(2)(A)